

Gielddaráđdehus

Áigi	18.08.2025 dii. 13:00 - 16:35	
Báiki	Hybridačoahkkinn, gielddadálu váldostivrasále dahje teams-heivehus	
Gieđahallon áššit		
§	Bajilčála	Siidu
§ 123	Čoahkkima lágalašvuohta ja mearridanváldi	4
§ 124	Beavdegirjji dárkkisteaddjiid válljen	5
§ 125	Čoahkkima bargoortnega dohkkeheapmi	6
§ 126	Dili birra oanehaččat	7
§ 127	Ruhtadili birra oanehaččat	8
§ 128	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	9
§ 129	Váldostivrra 12.6.2025 čoahkkima ollašuhttin	10
§ 130	Gielddaráđdehusa áššelisttuid juohkin ja beavdegirjji gárvvisteapmi, dárkkisteapmi ja albmosis doallan	11
§ 131	Gielddaráđdehusa čavčča 2025 čoahkkinnbeaivvit	13
§ 132	Gielddaráđdehusa ovddasteaddjiid nammadeapmi lávdegottiide áigodahkii 2025-2027	14
§ 133	Gieldda ovddasteaddjiid nammadeapmi muhtun fitnodagaid ja servošiid doaibmaorgánaide áigodahkii 2025-2029	15
§ 134	Lahtuid nammadeapmi Anára sosiála- ja dearvvasvuođalávdegotti vuollásaš birasjuhkossii 2025-2029	17
§ 135	Lahtuid nammadeapmi Árktalaš Lappi birassuodjalusa birasjuhkossii 2025-2029	18
§ 136	Johtolatdorvvolašvuođabargojoavkku ovddasteaddji nammadeapmi	19
§ 137	Ohcejoga boarrásiidráđi nammadeapmi doaibmabadjái 1.8.2025-31.5.2029	20
§ 138	Ohcejoga lápmásiidráđi nammadeapmi doaibmabadjái 1.8.2025-31.5.2029	21
§ 139	Davvi- ja Nuorta-Lappi barggolašvuođaguovlojuhkosa lahtu nammadeapmi badjái 2025-2029	22
§ 140	Davvi-Lappi guovloovttasbarggu gielddaovttastumi ruhtadoalloloahpaheami nannen ja vástufriijavuođa mieđiheapmi čilgengeatnegasaide jagis 2024	24
§ 141	Utsjoen Hyvinvointikiinteistöt Oy stivrra ságadoalli nammadeapmi	25
§ 142	Gielddahoavdda oahppofriijabeaivvit	27

§ 143	Davvi-Lappi guovlluguovdasaš oahppoloatnabuhtadusiskkadallan	28
§ 144	Eallinfápmodoaibmasuorggi ja teknihkalaš doaibmasuorggi ovttastahttin	29
§ 145	Nuppástusráđđádallamiid mearrádusa mieldásaš namahusnuppástusat guovddášhálddahus ja kanslisttat	30
§ 146	Nuppástusráđđádallamiid mearrádusa mieldásaš namahusnuppástusat čuvgehusdoaibma	31
§ 147	Gulahallama koordináhtora fásta doaimma vuodđudeapmi nuppástusráđđádallamiid mearrádusa mielde	32
§ 148	Nuppástusráđđádallamiid mearrádusa mielde vuodđuduvvo lihkananjodiheaddji /lihkananbáikejodiheaddji doaibma	33
§ 149	Nuppástusráđđádallamiid mearrádusa mielde virggit mat heaittihuvvojit	34
§ 150	Nuppástusráđđádallamiid mearrádusa mielde vuodđuduvvo čuovvovaš virgi	35
§ 151	Ohcejoga gieldda cealkámuš ovddeš polesstašuvnna suodjalanášsis LAPELY/2916/2025	36
§ 152	Tontte oastinfálaldat, Inga ja Niila Guttorm	38
§ 153	Jienastanguovlojuogu nuppástuhttin 1.1.2026 rájes	39
§ 154	Gielddaráđđehusa linnjá buggeluosa bivdimii ja Norgga huksen buđđui Deanus	40
§ 155	Doaibmaorgánaid mearrádusat	41
§ 156	Áššit diehtun	42
§ 157	Huksenberráigeahču dávssat	43
§ 158	Gielddaid árvoštallanvuloš stáhtadoarjaga bajádusa ohcan jagis 2025	44
§ 159	Teknihkalaš doaimma jodiheapmi	46

Oasseváldit

	Namma	Doaibma	Lassedieđut
Mielde	Tieva-Niittyvuopio Vuokko	ságadoalli	
	Moilanen Mateusz	várreságadoalli	
	Tapiola Sari	lahttu	
	Hekkanen Eemeli	lahttu	
	Länsman Vesa	lahttu	
	Rasmussen Riikka	lahttu	
	Länsman Lávra	lahttu	
	Konttinen Pirjo	várrelahttu	
	Aikio Mika	váldostivrra ságadoalli	
	Guttorm Väinö	váldostivrra I	
		várreságadoalli	
	Nordberg Aulis	váldostivrra II	
		várreságadoalli	
Eret	Niittyvuopio-Valle Laura		
	Länsman Nilla-Pekka		
	Lukkari Sammol		
	Guttorm Urho		
	Heikurainen Laura		
	Kontio Oskari		
Eará	Kontio Päivi	gielddahoavda	
	Länsman Marja	beavdegirjedoalli	
	Aikio Maria Sofia	dulka	

Vuolláičállosat

	Vuokko Tieva-Niittyvuopio Mateusz Moilanen	Marja Länsman
	ságadoalli	ságadoalli § 128
		beavdegirjedoalli

Gieđahallon áššit 123 - 159

Beavdegirji dárkkisteapmi Ohcejohka, gielddadoaimmahat 18.8.2025

Lávra Länsman
beavdegirjedárkkisteaddji

Vesa Länsman
beavdegirjedárkkisteaddji

Beavdegirji dollojuvvo albmosis

Gielddadálle, guovddášdoaimmahat 25.08.2025

Minna Lukkari
Almmuhantávvala dikšu

Gielddaráđdehus

§ 123

18.08.2025

Čoahkkima lágalašvuohta ja mearridanváldi

Gr 18.08.2025 § 123

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddáš.

Mearrádus Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddáš.

Gielddaráđdehus

§ 124

18.08.2025

Beavdegirji dárkkisteaddjiid válljen

Gr 18.08.2025 § 124

Mearrádusevttohus

Válljet čoahkkimii guokte beavdegirjedárkkisteaddji.

Mearrádus

Beavdegirjedárkkisteaddjin válljejuvvuiga Lávra Länsman ja Vesa Länsman.

Gielddaráđđehus

§ 125

18.08.2025

Bargoortnega dohkkeheapmi

Gr 18.08.2025 § 125

Mearrádusevttohus

Gielddaráđđehus dohkkeha áššiid gieđahallanortnega
čoahkkima áššelisttu mielde.

Mearrádus

Ságadoalli evttohii, ahte lasseáššin gieđahallat
Huksenberráigeahču dávssat, Gielddaid árvvoštallanvuloš
stáhtadoarjaga bajádusa ohcan jagis 2025 ja Teknihkalaš
doaimma jođiheapmi.

Čoahkkima gieđahallanortnet dohkkehuvvui áššelisttu mielde ja
dasa lasihuvvojedje áššit ságadoalli evttohusa mielde.

.

Gielddaráđdehus

§ 126

18.08.2025

Dili birra oanehaččat

Gr 18.08.2025 § 126

Gielddahoavda muitala áigeguovdilis áššiid birra oanehaččat:

Mearrádusevttohus

Merkejuvvo diehtun.

Mearrádus

Gielddahoavda ovdanbuvttii áigeguovdilis áššiid oanehaččat:

- Eanagoddehoavdda galledeapmi 19.8.
- Geavu rabas uvssat 20.8.
- Turku universitehta ja Rochestera universitehta galledeapmi 22.8.
- Jorba beavddi deaivvadeamit 20.8. ja 26.8.
- Deanuleagi guolástanturisma ovddideapmi 26.8.
- Lapeco ovttasbargu->gielddaide jearahallan->bázahusdávssaid bajideapmi positiivvalaš lávki ovttasbarggu guvlui.
- Laesterä váldostivraseminára 29.8. dii. 9-11.
- Bázahusfuolahusmearrádusat gulaskuddamis ja gieldda siidduin.
- Vuojadanhálla ja Gáregasnjárgga álšamáđija divvumat ovdánit.

Merkejuvvui diehtun.

Gielddaráđđehus

§ 127

18.08.2025

Ruhtadili birra oanehaččat

Gr 18.08.2025 § 127

Mearrádusevttohus Guldalit oanehaččat ruhtadili.

Mearrádus Gielddahoavda ovdanbuvttii ruhtadili oanehaččat.
Merkejuvvui diehtun.

Gielddaráđdehus

§ 128

18.08.2025

**Gávpenannejeaddji giddodatluohpadanalmmuhusat ja gieldda
ovdaoastinvuoigatvuoda geavaheapmi**

Gr 18.08.2025 § 128

Mearrádusevttohus

Gildii leat bohtán 16 st gávpenannejeaddji
giddodatluohpadanalmmuhusa, listu
giddodatluohpadanalmmuhusain lea lassemateriálan.
Giddodatluohpadanalmmuhusat leat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin
mearrádussii ožžot oasti ja vuovdi ohcat nuppástusa ja váidit
hálddahusriektái.

Gieldda mearrádussii leat geavatkeahtá
ovdaoastinvuoigatvuoda ii oaččo ohcat nuppástusa váidimiin.

Gielddaráđdehus merke diehtun gávpenannejeaddjiid
giddodatluohpadanalmmuhusaid ja mearrida, ahte gielda ii
geavat ovdaoastinvuoigatvuoda báikkiide, mat gullet gávpái.

Mearrádus

Ságadoalli Vuokko Tieva-Niittyvuopio almmuhii ahte son lea
easttalaš giedahallat ášši ja guđii čoahkkinlanja. Merkejuvvui
beavdegirjái, ahte ságadoallin doaimmai gielddaráđdehusa
várreságadoalli Mateusz Moilanen.

Evttohus dohkkehuvvui.

Gielddaráđđehus

§ 129

18.08.2025

Váldostivrra 12.6.2025 čoahkkima ollašuhttin

Gr 18.08.2025 § 129

6/00.02.00/2025

Gieldalága mielde gielddaráđđehus vástida váldostivrra mearrádusaid lágalašvuoda bearráigeahčus.

Jos gielddaráđđehus oaidná, ahte váldostivrra mearrádus lea dahkkon boastto ortnegis dahje manná váldostivrra doaibmaválddi badjel dahje muđui lea lága vuostá, de gielddaráđđehus galgá guođdit mearrádusa ollašuitekeahtá. Ášši galgá dalán bidjat váldostivrii ođđasit giedahallamii.

Čuovusin váldostivrra čoahkkima áššelistu. Váldostivrra mearrádusat leat leamaš oaidnin láhkai 19.6.2025.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus gávnna, ahte váldostivrra mearrádusat leat lágalaččat ja ollašuhhttingelbbolaččat. Gielddaráđđehus čađaha ollašuhhtima.

Mearrádus

Evttohus dohkkehuvvui.

Čuvvosat

Čuovus 1 Váldostivrra_12-6-2025_Bovdehus

Gielddaráđdehusa áššelisttuid juohkin ja beavdegirjji gárvvisteapmi, dárkkisteapmi ja albmosis doallan

Gr 18.08.2025 § 130
102/00.02.01/2025

Ohcejoga gieldda hálddahunjuolggadusa 130 § mielde čoahkkinbovdehus sáddejuvvo nu mo doaibmaorgána lea mearridan. Čoahkkinbovdehusa addá ságadoalli dahje go son lea eastašuvvan, várreságadoalli. Áššelistu, mas leat čoahkkináššit ja evttohusat doaibmaorgána mearrádusaide, sáddejuvvojit čoahkkinbovdehusa oktavuodas, jus dasa eai leat earenoamáš sivat easttan. Čoahkkinbovdehus lea sáddejuvvon lahtuide ja earáide geain lea vuoigatvuohta oassálastit čoahkkimii, unnimustá guhtta beaivve ovdal čoahkkima.

Doaibmabajis 2021-2025 gielddaráđdehusa áššelistu lea juhkkjuvvon fásta lahtuid lassin ságadoallái, áššemeannudeaddjái, beavdegirječállái, dulkii, gielddaráđdehusa várrelahtuide, dárkkistanlávdegotti lahtuide ja hálddahushoavddaide. Áššelistu lea maid biddjon oaidnin láhkái gieldda neahttasiidduide.

Hálddahunjuolggadusa 150 § mielde beavdegirjji doallamis ja sisdoalus vástida doaibmaorgána ságadoalli. Beavdegirjji vuolláičállá ságadoalli ja beavdegirječállli dárkkista dan. Beavdegirji dárkkistuvvo doaibmaorgána mearridan vugiin.

Hálddahunjuolggadusa 151 § mielde gielddaráđdehusa beavdegirjji dasa laktáseaddji divvungáibádusrávvagiiguin dahje váidalančujuhusaiguin dollojuvvo dárkkisteami maŋnel oaidninláhkai gieldda neahttasiidduin nu mot Gieldalága 140 §:s dárkileappot mearriduvvo. Gieldalága 140 § mielde beavdegirjji dollojuvvo dárkkisteami maŋnel oaidninláhkai almmolaš diehtofierpmádagas, jos ii čiegusindoallama guoski njuolggadusain eará čuovo. Beavdegirjjiis almmustahttojit dušše dieđuoazžuma dáfus bákkolaš persovdnadieđut. Beavdegirjji persovdnadieđut galget sihkkjuvvot almmolaš diehtofierpmis, go vuigengáibádus- dahje váidináigi nohká.

Beavdegirjji sáhtta dárkkistit dalán čoahkkimis dahje dan dárkkistit guokte guhtege čoahkkimis dan várás válljejuvvon lahtu. Jos beavdegirjji dárkkisteaddji ii dohkket beavdegirjji, dan galgá dárkkistit čuovvovaš čoahkkimis.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus mearrida, ahte

Gielddaráđdehus

§ 130

18.08.2025

- čoaħkkĩnbovdehus sáddejuvvo fásta lahtuide ja earáide geain lea vuoigatvuohta oassálastit čoaħkkimii, unnimustá guhtta beaivve ovdal čoaħkkima, elektrovnnalaččat. Áššelistu sáddejuvvo čoaħkkĩnbovdehusa olis, jos earenoamáš sivat eai leat easttan. Áššelistu almmustahttojuvvo maid gieldda neahttasiidduin.
- beavdegirječállin doaibmá doaimmahatčállı ja jos son lea eastašuvvan de jogo áššemeannudeaddji dahje eará doaibmaorgána lea beavdegirječállin.
- beavdegirjji dárkkisteaba guokte guđege čoaħkkimis nammaduvvon lahtu mañimustá čoaħkkĩnbeaivvis čuovvovaš beaivve.
- beavdegirji biddjo gieldda neahttasiidduide dárkkisteami mañná ja nu ahte čiegusvuodanjuolggadusat doahttaluvvojit. Beavdegirjji sámegielat jorgalus dolvojuvvo neahttasiidduide mañimustá vahku mañná čoaħkkima. Virggálaš oaidninláhkaı doallan ja váidináigi álgá vahku mañná čoaħkáma, oaidninláhkaı doallamis lea váldojuvvon vuhtii beavdegirjji jorgaleapmi sámegillii.

Mearrádus

Evttohus doħkkehuvvui.

Gielddaráđđehus

§ 131

18.08.2025

Gielddaráđđehusa čavčča 2025 čoahkkínbeaivvit

Gr 18.08.2025 § 131

109/00.02.01/2025

Ohcejoga gieldda hálddahušnjuolggadusa 129 § mielde doaibmaorgána mearrida čoahkkimiiddis áiggi ja báikki.

Čoahkkín dollojuvvo maiddá dalle, go ságadoalli oaidná čoahkkima dárbbaslažžan dahje eanetlohku doaibmaorgána lahtuin dahká ságadoallái evttohusa čoahkkima doallamis dan ášši gieđahallama várás, man leat almmuhan. Dákkár dilis ságadoalli mearrida čoahkkínáiggi.

Ságadoalli sáhtá ákkastallon siva geažil šluhttet čoahkkima.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida čavčča 2025 čoahkkínbeaivin 24.9.2025, 21.10.2025, 12.11.2025 ja 2.12.2025. Gielddaráđđehus sáhtá dárbbu mielde doallat badjelmearálaš čoahkkimiid. Čoahkkimat dollojit gielddadálus dii. 13.00 rájes hybridačoahkkimin.

Mearrádus

Evttohus dohkkehuvvui.

Gielddaráđđehus

§ 132

18.08.2025

Gielddaráđđehusa ovddasteaddjiid nammadeapmi lávdegottiide áigodahkii 2025-2027

Gr 18.08.2025 § 132

103/00.02.01/2025

Hálddahusnjuolggadusa 136 § mielde gielddaráđđehus sáhtá mearridit eará doaibmaorgánaide iežas ovddasteaddji, geas lea mieldeorrun- ja hállanvuoigatvuohta doaibmaorgána čoahkkimis. Ovddasteaddjin sáhtá mearridit maiddá gielddaráđđehusa várrelahtu dahje gielddahoavdda. Ovddasteaddji ii goit nammaduvvo dárkkistanlávdegoddái, váldostivrra gaskaboddosaš váljagoddái iige válgalágas áshuvvon válgadoaibmaorgánaide.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus nammada iežas ovddasteaddji čuvgehuslávdegoddái ja eallinfápmo- ja teknikkalaš lávdegoddái áigodahkii 2025-2027.

Mearrádus Ságadoalli evttohii nu mo árabut joavkkuid čoahkkimis sohppojuvvui, ahte čuvgehuslávdegotti ovddasteaddjin nammaduvvo Riikka Rasmussen. Mateusz Moilanen guottihii ságadoalli evttohusa.

Sari Tapiola evttohii, ahte čuvgehuslávdegotti ovddasteaddjin nammaduvvo Nilla-Pekka Länsman. Vesa Länsman guottihii Sari Tapiola evttohusa.

Go čoahkkimis ledje boahtán guokte guottihuvvon evttohusa čuvgehuslávdegotti ovddasteaddjin, ságadoalli evttohii ahte čađahuvvo giddejuvvon lihppoijenasteapmi. Ságadoalli gávnnašii, ahte beavdegirjedárkkisteaddjit čađaheaba jienasteami. Beavdegirjedárkkisteaddjit juogiiga jienastanlihpuid. Čađahuvvui giddejuvvon lihppoijenasteapmi. Beavdegirjedárkkisteaddjit čađaheigga jienaidrehkenastima. Jienat addojedje oktiibuot 7 st, main Riikka Rasmussen oaččui 4 jiena ja Nilla-Pekka Länsman 3 jiena. Jienasteami vuodul čuvgehuslávdegoddái ovddasteaddjin nammaduvvui Riikka Rasmussen.

Ságadoalli evttohii nu mo árabut joavkkuid čoahkkimis sohppojuvvui, ahte eallinfápmo- ja teknikkalaš lávdegotti ovddasteaddjin nammaduvvo Eemeli Hekkanen. Evttohus dohkkehuvvui ovttamielallaččat.

Gielddaráđdehus

§ 133

18.08.2025

**Gieldda ovddasteaddjiid nammadeapmi muhtun fitnodagaid ja servošiid
doaibmaorgánaide áigodahkii 2025-2029**Gr 18.08.2025 § 133
104/00.02.01/2025

Gielda lea osolažžan ja nappo geavaha hállanválddi muhtun fitnodagain ja servošiin. Danin gielddaráđdehus nammada iežas ovddasteaddji vulobeale fitnodagaid ja servošiid fitnodatčoahkkimii / osolaščoahkkimii jagiide 2025-2029.

Áššemeannudeaddji Gielddahoavda Kontio Päivi

Mearrádusevttohus Gielddaráđdehus vällje:

1. guokte ovddasteaddji Kiinteistö Oy Ringinvatro fitnodatčoahkkimii,
2. ovttá ovddasteaddji Asunto Oy Rievanradnu fitnodatčoahkkimii,
3. guokte ovddasteaddji Kiinteistö Oy Utsjoen Virastotalo fitnodatčoahkkimii,
4. ovttá ovddasteaddji Ohcejoga Šleatgaossodatgotti osolaščoahkkimii,
5. ovttá ovddasteaddji Kiinteistö Oy Gálgogárdina fitnodatčoahkkimii,
6. ovttá ovddasteaddji Inarin Lapin Vesi Oy fitnodatčoahkkimii.

Mearrádus Ságadoalli evttohii nu mo árabut joavkkuid čoahkkimis sohppojuvvui, ahte Kiinteistö Oy Ringinvatro ovddasteaddjin nammaduvvoba Mateusz Moilanen ja Oskari Kontio. Evttohus dohkkehuvvui ovtamielalaččat.

Ságadoalli evttohii nu mo árabut joavkkuid čoahkkimis sohppojuvvui, ahte Asunto Oy Rievanradnu ovddasteaddjiin nammaduvvo Mateusz Moilanen. Evttohus dohkkehuvvui ovtamielalaččat.

Mateusz Moilanen evttohii, ahte Kiinteistö Oy Utsjoen Virastotalo ovddasteaddjin nammaduvvo Väinö Guttorm. Riikka Rasmussen evttohii, ahte nubbin ovddasteaddjin nammaduvvo Laura Niittyvuopio-Valle. Evttohusat dohkkehuvvojede ovtamielalaččat.

Ságadoalli evttohii nu mo árabut joavkkuid čoahkkimis sohppojuvvui, ahte Ohcejoga Šleatgaossodatgotti ovddasteaddjiin nammaduvvo Vuokko Tieva-Niittyvuopio. Evttohus dohkkehuvvui ovtamielalaččat.

Ságadoalli evttohii nu mo árabut joavkkuid čoahkkimis sohppojuvvui,

Gielddaráđdehus

§ 133

18.08.2025

ahte Kiinteistö Oy Gálgogárdina ovddasteaddjin nammaduvvo Sari Tapiola. Evttohus dohkkehuvvui ovttamielalaččat.

Ságadoalli evttohii nu mo árabut joavkkuid čoahkkimis sohppojuvvui, ahte Inarin Lapin Vesi Oy ovddasteaddjin nammaduvvo Aulis Nordberg. Evttohus dohkkehuvvui ovttamielalaččat.

Gielddaráđđehus

§ 134

18.08.2025

Lahtuid nammadeapmi Anára sosiála- ja dearvvasvuodálávdegotti vuollásaš birasjuhkosis 2025-2029

Gr 18.08.2025 § 134
105/00.04.00/2025

Anára ja Ohcejoga gielddat leat soahpan birasdearvvasvuodáfuolahusa ja eananguovlohálddahusa bargguiddikšumis ovttasdoaibmanguovllus. Ovttasdoaibmanguovllu doaibmaovttadat gohčoduvvo birasovttadahkan. Soahppioassebeliid oktasaš doaibmaorgánan doaibmá Anára gieldda sosiála- ja dearvvasvuodálávdegotti birasjuogus.

Birasdearvvasvuodáfuolahusa ja birassuodjalusa ovttasdoaibmansoahpamuša mielde birasjuhkosis leat vihtta lahtu, geain golbmasa nammada Anára giella ja guoktása fas Ohcejoga giella. Anára sosiála- ja dearvvasvuodálávdegoddi vállje juhkosa ságadoalli ja várreságadoalli, geain nubbi lea Anára gielddas ja nubbi Ohcejoga gielddas.

Anára giella lea bivdán Ohcejoga gieldda nammadit juhkosis guokte lahtu ja guokte persovnnalaš várrelahtu.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus nammada guokte lahtu ja guokte persovnnalaš várrelahtu Anára gieldda sosiála- ja dearvvasvuodálávdegotti vuollásaš birasjuhkosis.

Mearrádus

Ságadoalli evttohii nu mo árabut joavkkuid čoahkkimis sohppojuvvui, ahte aitosaš lahttun nammaduvvo Vuokko Tieva-Niittyvuopio ja su várrelahttun Riikka Rasmussen, ja nuppi aitosaš lahttun nammaduvvo Vesa Länsman ja su várrelahttun Markku Porsanger. Evttohus dohkkehuvvui ovttamielalaččat.

Gielddaráđdehus

§ 135

18.08.2025

Lahtuid nammadeapmi Árkatalaš Lappi birassuodjalusa birasjuhkosis 2025-2029

Gr 18.08.2025 § 135

106/00.04.02/2025

Soađegili gieldda lea vástidan 1.1.2020 rájes ovttasdoaibmanguovllu (Soađegilli, Anár, Ohcejohka, Muoná ja Eanodat) birassuodjalusa eiseváldebargguin.

Ovttasdoaibmansoahpamuša mielde "Ovttasdoaibmama ordnema várás Soađegili gielddas (vástugielddas) doaibmá oktasaš doaibmaorgánan teknihkalaš lávdegotti vuollásaš birasjuogus. Doaibmaorgána doaibmá Soađegili gieldda organisašuvnnas. Oktasaš doaibmaorgánas leat 7 lahtu; 2 Anáris, 1 Ohcejogas, 1 Eanodagas, 1 Muonás ja 2 Soađegilis. Soahppigielddaid váldostivrrat nammadit lahtuset ja guhtiige persovnnalaš várrelahtu dás oaivvilduvvon oktasaš doaibmaorgánii."

Áššemeannudeaddji Gielddahoavda Kontio Päivi

Mearrádusevttohus Gielddaráđdehus evttoha váldostivrii, ahte váldostivra nammada ovttalahtu ja sutnje persovnnalaš várrelahtu birasjuhkosis. Jos doaibmaorgána čoahkkana ovdal váldostivrra gieđahallama, oassálastá ovddit ovddasteaddji Aulis Nordberg gieldda ovddasteaddjin čoahkkimii.

Mearrádus Ságadoalli evttohii nu mo árabut joavkkuid čoahkkimis sohppojuvvui, ahte gielddaráđdehus evttoha váldostivrii, ahte aitosas lahttun nammaduvvo Aulis Nordberg ja su várrelahttun Sammol Lukkari. Evttohus dohkkehuvvui ovttafielalaččat.

Gielddaráđđehus

§ 136

18.08.2025

Johtolatdorvvolašvuodabargojoavkku ovddasteaddji nammadeapmi

Gr 18.08.2025 § 136

108/00.04.00/2025

Gielddas doaibmá johtolatdorvvolašvuodabargojoavku Lappi Ejb-guovddáža doaibmamáalle mielde. Bargojoavkkus lea ovddastus gieldda buot hálddahusgottiin sihke Ohcejoga meahcivaljidikšunovttastusas, Lappi Ejb-guovddážis, Johtolatdorvvus, bolesis, Infrap Oy:s, Destias ja Lappi gádjunlágádusas.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus nammada iežas ovddasteaddji johtolatdorvvolašvuodabargojoavkui.

Mearrádus

Ságadoalli evttohii nu mo árabut joavkkuid čoahkkimis sohppojuvvui, ahte ovddasteaddjin nammaduvvo Lávra Länsman. Evttohus dohkkehuvvui ovttamielalaččat.

Gielddaráđđehus

§ 137

18.08.2025

Ohcejoga boarrásiidráđi nammadeapmi doaibmabadjái 1.8.2025-31.5.2029

Gr 18.08.2025 § 137

107/00.04.02/2025

Gieldalága 27 § mielde gildii galgá ásaht boarrásiidráđi. Boarrásiidráđđái galgá addit vejolašvuoda váikkuhit gieldda sierra doaibmasurggiid doaimma plánemii, válmmaštallamii ja čuovvumii áššiin, main lea mearkkašupmi ahkeolbmuid buresveadjima, dearvvasvuoda, oasálašvuoda, eallinbirrasa, ássama, lihadeami dahje beaivválaš doaimmain ceavzima dahje sin dárbbasan bálvalusaid dáfus. Hálddahušnjuolggadusa 13 § mielde boarrásiidráđi čoahkus, ásaheamis ja doaibmaeavttuin mearrida gielddaráđđehus.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus bivdá čuovvovaš oassebeliid nammatit iežaset ovddasteaddji boarrásiidráđđái: Ohcejoga searvegoddi, Sámi Siida, SámiSoster, SPR Ohcejoga ossodat, Ohcejoga soahteveteránat, Utsjoen Sydänyhdistys, Utsjoen Syöpäyhdistys, Utsjoen Eloisat, Nuorgamin Ikäsähly, Karigasniemen Eläkeläiset, Inari-Utsjoen Kuuloyhdistys, Inari-Utsjoen Reumayhdistys, Inari-Utsjoen Diabetesyhdistys ja MLL Ohcejoga ossodat. Lassin gielddaráđđehus gávnaha, ahte buresveadjinjoavda gullá boarrásiidráđđái virggis beales.

Mearrádus

Evttohus dohkkehuvvui.

Gielddaráđđehus

§ 138

18.08.2025

Ohcejoga lápmásiidráđi nammadeapmi doaibmabadjái 1.8.2025-31.5.2029

Gr 18.08.2025 § 138

136/00.04.02/2025

Gieldalága 28 § mielde gildii galgá ásahit lápmásiidráđi. Lápmásiidráđđái galgá addit vejolašvuoda váikkuhit gieldda sierra doaibmasurggiid doaimma plánemii, válmmaštallamii ja čuovvumii áššiin, main lea mearkkašupmi doaibmahehttejuvvon olbmuid buresveadjima, dearvasvuoda, oasálašvuoda, eallinbirrasa, ássama, lihkadeami dahje beaivválaš doaimmain ceavzima dahje sin dárbbasan bálvalusaid dáfus. Hálddahušnjuolggadusa 13 § mielde lápmásiidráđi čoahkus, ásaheamis ja doaibmaeavttuin mearrida gielddaráđđehus.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus bivdá čuovvovaš oassebeliid nammadit iežaset ovddasteaddji lápmásiidráđđái: Ohcejoga searvegoddi, Sámi Siida, SámiSoster, SPR Ohcejoga ossodat, Ohcejoga soahteveteránat, Utsjoen Sydänyhdistys, Utsjoen Syöpäyhdistys, Utsjoen Eloisat, Nuorgamin Ikäsähly, Karigasniemen Eläkeläiset, Inari-Utsjoen Kuuloyhdistys, Inari-Utsjoen Reumayhdistys, Inari-Utsjoen Diabetesyhdistys ja MLL Ohcejoga ossodat. Lassin gielddaráđđehus gávnna, ahte buresveadjinhoavda gullá lápmásiidráđđái virggis beales.

Mearrádus

Evttohus dohkkehuvvui.

Davvi- ja Nuorta-Lappi barggolašvuodaguovlojuhkosa lahtu nammadeapmi badjái 2025-2029

Gr 18.08.2025 § 139
23/00.04.01/2024

Soađegili gieldda hálddahusnuolggadusa 21 § mielde gielddaráđđehusa vuolde doaibmá Davvi- ja Nuorta-Lappi barggolašvuodaguovlojuogus, mii doaibmá gieldalága 51 § mieldásaš bargofápmoeiseváldin ovttasdoaibmanguovllu gielddaid oktasaš doaibmaorgánan. Doaibmaorgána vástida bargofápmoeiseválddi bargguin, mat meroštallojit lágas bargofápmobálvalusaid ordnema birra. Ordnenovddasvástádus oaivvilda gieldalága 8 §:s meroštallon gieldda ordnenovddasvástádusa. Bargofápmobálvalusaid ordnemis ja eará bargofápmobálvalusaide laktáseaddji lágas ásehuvvon bargguin mearriduvvo bargofápmobálvalusaid ordnema birra addojuvvon lágas sihke bargguiduhttima mánggasuorggat ovddideamis lágas.

Davvi- ja Nuorta-Lappi barggolašvuodaguovllu ovttasdoaibmansoahpamuš lea dohkkehuvvon buot barggolašvuodaguovllu gielddain 23.10.2023.

Barggolašvuodaguovlojuhkosi gullet 11 lahtu; Soađegilli, Anár ja Giemajávri nammadit guhtege guokte (2) lahtu ja Ohcejohka, Suovvagoika, Salla, Pelkosenniemi ja Posio guhtege ovttá (1) lahtu, ja guđege lahtus lea persovnnalaš várrelahttu. Juhkosa doaibmabadji lea váldostivrabadji ja dat doaibmá Soađegili gieldda organisašuvnnas.

Soahpamuša mielde doaibmaorgána ságadoallin doaibmá Soađegili gieldda ovddasteaddji, gean vállje Soađegili gieldda váldostivra. Várreságadoalli nammadit vuoruid mielde guovtti jagi gaskkaid eará soahppielddat johtti alfabehtalaš ortnegis.

Soađegili gieldda bivdá Davvi- ja Nuorta-Lappi barggolašvuodaguovllu soahppielddaid nammadit lahtu ja sutnje persovnnalaš várrelahttu. Nammadeamit bivdojuvvojit almmuhit 15.8.2025 rádjai Soađegili gildii.

Dásseárvolága 4 a § 1 momeantta mielde gieldda doaibmaorgánain (earet váldostivrras) galget leat uhcimustá 40 % nissonat ja uhcimustá 40 % albmát, jos ii erenomáš sivaidd geažil eará čuovo. Lága mielde dihtomearri galgá ollašuvvat sihke lahtuid ja várrelahtuid buohta. Dásseárvoláhka ii gáibit, ahte fásta lahttu ja su persovnnalaš várrelahttu galggašeigga leat seamma sohka beali.

Dásseárvolága 4 a § 3 momeantta mielde buot dat oassebealit, geat bivdojuvvojit nammadit evttohasaid dán paragrafas oaivvilduvvon

Gielddaráđđehus

§ 139

18.08.2025

doaibmaorgánii, galget vejolašvuodaid mielde evttohit sihke nissona ja albmá juohke lahtobáikái. Láhka válmmaštallanmateriála mielde om. oassebealis lea ákkastallangeatnegasvuolta dan ektui, manin ii leamaš vejolašvuolta evttohit goappaš sohka beali evttohasa guđege báikái.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus nammada lahtu ja sutnje persovnnalaš várrelahtu barggolašvuodajuhkosii áigodahkii 2025-2029.

Mearrádus

Ságajođiheaddji evttohii nu mo árabut joavkkuid čoahkkimis sohppojuvvui, ahte aitosas lahttun nammaduvvo Oskari Kontio ja su várrelahttun Pirjo Kontinen. Evttohus dohkkehuvvui ovttamielalaččat.

Gielddaráđdehus

§ 140

18.08.2025

Davvi-Lappi guovloovttasbarggu gielddaovttastumi ruhtadoalloloahpaheami nannen ja vástufriijavuoda miediheapmi čilgengeatnegasaide jagis 2024

Gr 18.08.2025 § 140

111/00.04.01/2025

Davvi-Lappi guovloovttasbarggu gielddaovttastumi ruhtadoallodárkkisteaddji ja dárkkistanlávdegoddi leat gieđahallan gielddaovttastumi ruhtadoalloloahpaheami jagis 2024 ja evttohit ruhtadoalloloahpaheami nannema ja vástufriijavuoda miediheapmi gielddaovttastumi stivrra lahtuide ja eará čilgengeatnegasaide ruhtadoallobajis 1.1 - 31.12.2024. Ruhtadoalloloahpaheapmi, árvvoštallančilgehus ja ruhtadoallodárkkistančilgehus leat siidomateriálan.

Gielddaovttastumi vuodđosoahpamuša 9 § mielde váldostivrrat mearridit dárkkistanlávdegotti evttohusa mielde vástufriijavuodas.

Áššemeannudeaddji

Gielddahoavda Kontio Päivi

Mearrádusevttohus

Gielddaráđdehus evttoha váldostivrii, ahte dat nanne Davvi-Lappi guovloovttasbarggu gielddaidovttastumi ruhtadoalloloahpaheami ja miediha vástufriijavuoda ruhtadoallogeatnegasaide jagi 2024.

Mearrádus

Evttohus dohkkehuvvui.

Gielddaráđdehus	§ 74	05.05.2025
Váldostivra	§ 20	22.05.2025
Gielddaráđdehus	§ 141	18.08.2025

Utsjoen Hyvinvointikiinteistöt Oy stivrra ságadoalli nammadeapmi

Gr 05.05.2025 § 74

Lappi buresveadjinguovlu lea láigohan gielddas sosiála- ja dearvvašvuodabálvalusaid atnui lanjaid fápmuibidjanlága vuodul 3+1 prinsihpain.

Gieldalága 126 § mielde gieldda doaimmadettiin 7 §:s oaivvilduvvon doaimmas gilvalandilis márkaniin dat galgá addit barggu oasussearvvi, ossodatgotti, searvvi dahje vuodđudusa doaibman (fitnodahkan rievdadeami geatnegasvuohta).

Gielda lea álggahan láigoráđđádallamiid 10.4.2025 Lappi buresveadjinguovlluin. Dán ráđđádallamis leat gieđahallojuvvon láigohanvuloš giddodagat ja vuos eará vejolaš oasseollisvuodát, dego bázahusfuolahusa ordnen 1.1.2026 rájes. Dán ráđđádallamis ii goittotge meroštallon láigodássi dahje láigoheapmái gullelaš eavttut. Ráđđádallamat dáid oasil joatkašuvvet 24.6.2025.

Dat, mii bohtá leat aitosáš fitnodahkan rievadanvuohki (appoarta vs. giddodatgávpi) ja dat báhcčágo eanaassi gieldda oamastussii čielgá maŋŋá.

Ohcejoga gielda bohtá oamastit vuodđudanvuloš Utsjoen Hyvinvointikiinteistöt Oy:s 100 %.

Fitnodaga vuodđudeami oktavuođa nammaduvvojit stivrra lahtut ja beaivválaš jodiheadđji.

Vuodđudansoahpamuš ja fitnodatnjuolggadus siidomateriálan.

Áššemeannudeaddji Gielddahoavda Kontio Päivi

Mearrádusevttohus Gielddaráđdehus evttoha váldostivrii, ahte dat vuodđuda Utsjoen Hyvinvointikiinteistöt Oy siidomateriála mielde. Gielddahoavda fápmuduvvo vuolláičállit vuodđudansoahpamuša ja dahkat áššegirjiide vejolaš uhcánaš nupástusaid.

Seammás nammaduvvojit vuodđudanvuloš fitnodatsearvái beaivválaš jodiheadđji ja golbma stivrra lahtu.

Mearrádus Evttohus dohkkehuvvui.

Marjatta Kordelin evttohii, ahte Veikko Porsanger nammaduvvo

Gielddaráđđehus	§ 74	05.05.2025
Váldostivra	§ 20	22.05.2025
Gielddaráđđehus	§ 141	18.08.2025

vuodđudanvuloš fitnodatsearvvi stivra lahttun. Veikko Porsanger evttohii, ahte Mika Aikio nammaduvvo vuodđudanvuloš fitnodatsearvvi stivra lahttun. Ságadoalli evttohii, ahte Pirjo Konttinen nammaduvvo vuodđudanvuloš fitnodatsearvvi stivra lahttun. Ságadoalli evttohii, ahte Heidi Keskitalo nammaduvvo vuodđudanvuloš fitnodatsearvvi stivra lahttun. Evttohusat dohkkehuvvojedje ovttamielalaččat.

Váld 22.05.2025 § 20

Mearrádusevttohus Váldostivra mearrida vuodđudit Utsjoen Hyvinvointikiinteistöt Oy siidomateriála mielde. Gielddahoavda fápmuduvvo vuolláičállit vuodđudansoahpamuša ja dahkat áššegirjiide vejolaš uhcánaš nuppástusaid.

Mearrádus Evttohus dohkkehuvvui.

Gr 18.08.2025 § 141
76/10.00.02.01/2025

Utsjoen Hyvinvointikiinteistöt Oy stivrii galgá ovdal vuodđudansoahpamuša gárvvisteami mearridit stivrii ságadoalli.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida nammadit Utsjoen Hyvinvointikiinteistöt Oy stivrra ságadoallin Mika Aikio.

Mearrádus Evttohus dohkkehuvvui.

Gielddaráđđehus

§ 142

18.08.2025

Gielddahoavdda oahppofriijabeaivvit

Gr 18.08.2025 § 142

132/01.03.01/2025

Gielddahoavda lea jearran gielddaráđđehusa ságadoallis ja váldostivrra ságadoallis vejolašvuoda oassálastit Bargosearvvušsoabahalli-skuvlemii gáiddusstuđerema bokte. Bargosearvvušsoabahalli skuvlen veahkeha áicat bargoservoša konflikttaid duogážis váikkuheaddji dahkkiid ja analyseret daid dynamihka. Ovddabealde máinnašuvvon áššiid lassin skuvlemis háhkkojuvvojit dieđut ja dáiddut deaividit ja giedahallat soahpameahttunvuodaid ovddideaddji láhkai ja gudnejahttima čujuhemiin. Skuvlema ulbmilin lea, ahte oahppi bastá heivehit čoavdinmetodaid bargoservoša ovddideamis sihke ádde bargosearvvušsoabahallama juridihka ja bargovuoigatvuodalaš beliid vuodustusaid.

Vaikko bargosearvvušsoabahalli ii sáhte doaibmat iežas organisašuvnna siste, addá skuvlejupmi liikká viidasut ipmárdusa hástaleaddji bargoveahkadiliide. Ohcejoga gielddas leamašan guhká hástalussan bargoburesveadjin jearahallamiin badjánan fuolla heajos jodiheamis ja dáidemeahttunvuodas dikšut hástaleaddji bargoveahkadiliid. Skuvlen buvttášii dáidda oidnojuvvon hástalusaid lasi máhtu.

Skuvlen lea ollásit gáiddusoktavuođain áigodagas 23.9.2025-28.5.2026. Skuvlenbeaivvit leat čakčabajis 23.9.2025, 24.10.2025, 20.11.2025, 18.12.2025 ja giđđabajis 20.1.2026, 24.2.2026, 18.3.2026, 15.4.2026, 13.5.2026 ja 28.5.2026. Skuvlema ordne oahppoguoovddáš Kainula.

Gielddaráđđehusa ságadoalli mearrádusevttohus

Gielddaráđđehus miediha gielddahoavda Päivi Kontioi válmmaštallama mielas oahppofriijabeivviid báلكkáin ovddabealde máinnašuvvon skuvlemii, loahpaide skuvlenbeivviide son ohcá sierra luopmobeivviid. Muđui son oassálastá skuvlemii virgeáiggi olggobealde iige bargoáigi oahpuide geavahuvvo muđui go sierra soahpama mielde.

Mearrádus

Gielddahoavda almmuhii iežas easttalažžan giedahallat ášši ja guđii čoahkkinlanja.

Gielddaráđđehusa ságadoalli evttohus dohkkehuvvui.

Davvi-Lappi guovlluguovdasaš oahppoloatnabuhtadusiskkadallan

Gr 18.08.2025 § 143

131/00.04.01/2025

Davvi-Lappi guovloovttasbarggu gieldaovttastupmi ja Meri-Lapin Kehittämiskeskus ry guđde cuoŋománu bušeahta beallemuttučuoldimii evttohusa guovlluguovdasaš oahppoloatnabuhtadusas. Projeakta ii ovdánan bušeahta beallemuttučuoldimis iige leat oaidnimis, ahte dat ollašuhthtošii maiddái oassin Davi prográmmage.

Davvi-Lappi guovloovttasbarggu gieldaovttastupmi lea válmmaštallan oahppoloana buhtadusiskkadallama ovttas Davvi- ja Nuorta-Lappi barggolašvuodaguovlohoavddain giđa áigge. Válmmaštallamis lea ávkkástallon maid Nuorta-Suoma universitehta ovdalis dahkan čielggadanbargguin sihke Norgga stáhtahálddahusa vástideaddji málliin.

Davvi-Lappi guovloovttasbarggu gieldaovttastumi stivra mearridii čoahkkimisttis 2.7.2025, ahte stivra álggaha gieldaovttastumi oahppoloana buhtadusiskkadallama ja doalvu dan ain lahttogielladaide mearridanláhkai.

Oahppoloatnabuhtadusiskkadallama dárkilut čilgehus siidomateriálan.

Áššemeannudeaddji

Gielddahoavda Kontio Päivi

Mearrádusevttohus

Ohcejoga gielda mearrida vuolgit ollašuhthtit oahppoloatnabuhtadusiskkadallama golmma jagi mearreáigásaš iskkadallanáigodagain 2026-2028.

Mearrádus

Davvi-Lappi guovloovttasbarggu gieldaovttastumi doaimmajodiheaddji Reija Viinanen ovdanbuvttii ášši válmmaštallama gielddaráđdehusa lahtuide.

Evttohus dohkkehuvvui.

Eallinfápmodoaibmasuorggi ja teknihkalaš doaibmasuorggi ovttahttin

Gr 18.08.2025 § 144
122/00.01.01.02/2025

Ohcejoga gieldda jagi 2024 ruhtadoalloloahpaheamis lei 82 000 Euro vuollebáza, muhto bohtosa buoridii 342 463 Euro geardelunddot máksu. Bušeahttaárvalussii 2025 bázi 318 012 Euro vuollebáza. Giella dingui dán jagi álggus FCG Oy:s čilgehusa gieldda ekonomalaš dili birra ja ekonomiija ovdánanárvoštallamiid, maiguin árvoštallojuvvui gieldda ekonomiija ovdáneapmi jagi 2030 rádjai. Árvoštallamiid vuođul gieldda bušeahttaárvalusain boahtá leat jagi 2025 rájes čielgasit vuollebáza, jagis 2026 vuollebáza čoggo sullii 580 000 Euro ja jagis 2027 badjel 900 000 Euro.

Giella leamašan fáhkkes ráhkadusnuppástusa giella jagi 2021 rájes, mii boahtá Atlántta luosa bivdogildosis. Vaikko giella lea geahččalan dahkat iešguđetlágan doaibmabijuid boađuid očcodeami dihte, ii dat leat reahkkán jorgalit gieldda ekonomiija buoret guvlui, baicce mearkkašahti loatnavuođu, vearroboađuid nuppástusat ja stáhtaossodatvuogádaga nuppástusat leat deaddán gieldda ekonomiija negatiivvalaš guvlui.

Hui váttis ekonomalaš dili geažil gielddaráđđehus mearridii álggahit gielddas nuppástusráđđádallamiid, mat mearriduvvojedje 10.6.2025. Oktan nuppástusráđđádallamiin dohkkehuvvon doaibmabijuin lei eallinfápmo- ja teknihkalaš doaibmasuorggi ovttahttin oktan doaibmasuorgin. Ovddabealde máinnašuvvon lávdegottit leat jo ovttahttin jagis 2023. Ođđa doaibmasuorggi namman boahtá Ovddidan- ja birasdoaibmasuorgi.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha evttohusa ja evttoha ain váldostivrii eallinfápmodoaibmasuorggi ja teknihkalaš doaibmasuorggi ovttahttima ja evttoha ođđa doaibmasuorggi namman ovddidan- ja birasdoaibmasuorgi.

Mearrádus Gielddahoavda ovdanbuvttii gieldda organisašuvdnamálle gielddaráđđehusa lahtuide. Gielddaráđđehus ságastalai organisašuvdnamáles. Ságastallama áigge ovdanbođii, ahte huksenbearráigeahču ferte vuhtiiváldit organisašuvdnamáles. Lassin doaibmasurggiid ovttahttimis galgá giddet erenomáš fuomášumi ovddidanhoavdda ja gielddainšenevrra doaibmagovaide.

Evttohus dohkkehuvvui om. lasáhusaiguin.

Gielddaráđđehus

§ 145

18.08.2025

Nuppástusráđđádallamiid mearrádusa mieldásaš namahusnuppástusat guovddášhálddahus ja kanslisttat

Gr 18.08.2025 § 145
118/01.01.00.03/2025

Ohcejoga gielddas čađahuvvojedje giđa 2025 áigge nuppástusráđđádallamat, maid vuogáiduhhtinplána gielddaráđđehus dohkkehii 10.6.2025. Nuppástusráđđádallamiid loahppaboađusin šattai, ahte bargogovat ja namahusat čielggasmahttojit ja ovttahttojit.

Guovddášhálddahusas nuppástus guoská dálá doaimmahatčáli, gean namahus rievdaduvvo hálddahusa koordináhtorin. Sierra doaibmasurggiid kanslisttaid namahusat rievdaduvvojit doaimmahatčállin ja bargogovat dárkkistuvvojit guđege buohta sierra. Namahusnuppástusat eai váikkut bálkái ja vejolaš ođđa bargoollisvuodát váldojit vuhtii dássebálkáodastusas.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha evttohusa ja evttoha ain váldostivrii, ahte guovddášhálddahusa doaimmahatčáli namahus rievdaduvvo hálddahusa koordináhtorin ja doaibmasurggiid kanslisttat doaimmahatčállin. Nuppástus bohtá fápmui 1.9.2025 rájes.

Mearrádus Evttohus dohkkehuvvui.

Gielddaráđđehus

§ 146

18.08.2025

Nuppástusráđđádallamiid mearrádusa mieldásaš namahusnuppástusat čuvgehusdoaibma

Gr 18.08.2025 § 146
118/01.01.00.03/2025

Gielddaráđđehus mearridii 15.4.2025 álggahit ovttasdoaibmanmeannudeami buvttadussii guoski ja ekonomalaš ákkaiguin bargoaddi ja bargoveaga gaskasaš ovttasdoaibmama birra gielddas ja buresveadjinguovllus addojuvvon lága 13.4.2007/449 mielde.

Nuppástusráđđádallamat guske oppa gieldda bargoveaga ekonomii ja balanseremii dárbbaslaš doaibmabijuid ollašuhttima várás jagiin 2025, 2026 ja 2027. Lassin gielddaráđđehus gávnnaš, ahte nuppástusráđđádallamat bistet uhcimustá 6 vahku árvvu mielde geassemánu 2025 beallemuttu rádjai ja ráđđádallamat ollašuhttojedje oktasašbargojoavkočoakkádusain. Bargoaddi ovddasteaddjin doaibmaba gielddahoavda ja doaimmahatčáli. Dárbbu mielde bargojovkui bovdejuvvojedje njunušvirgehálldašeaddjit dahje/ja eará bargit.

Ohcejoga gieldda nuppástusráđđádallamiid vuogáiduhttinprográmma mielde rievdaduvvojit čuvgehusdoaimma oasil čuovvovaš namahusat: Ohcejohnjálmmi skuvlla skuvlačáli rievdaduvvo skuvlla bálvalusbargin, asttuáiggečáli virgi rievdaduvvo asttuáiggekoordináhtorin ja bargogovvii lasihuvvo girjerádjodoaimma hovdenbargu ja vuodđuduvvo vástideaddji girjerádjodikšu doaibma. Nuppástusat bohtet fápmui 1.9.2025 rájes iige dain leat dán muttus váikkuhus bálkái. Dássebálkáodastusas váldojit vuhtii vejolaš nuppástusat bargogovain.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha evttohusa ja evttoha nuppástusaid ain váldostivrii dohkkehanláhka.

Mearrádus

Evttohus dohkkehuvvui.

Gielddaráđđehus

§ 147

18.08.2025

Gulahallama koordináhtora fásta doaimma vuodđudeapmi nuppástusráđđádallamiid mearrádusa mielde

Gr 18.08.2025 § 147
118/01.01.00.03/2025

Ohcejoga gielddas čađahuvvojedje giđa 2025 áigge nuppástusráđđádallamat, maid vuogáiduhhtinplána gielddaráđđehus dohkkehii 10.6.2025. Nuppástusráđđádallamiid loahppaboadusin mearriduvvui vuodđuduvvot dárbbaslažžan gehččojuvvon gulahallama koordináhtora doaibma, mii lea doaisttázii fámus.

Bargogovva sisttisdoallá gieldda siskkáldas ja olgguldas gulahallama, turismagulahallama ja buresveadjima, dearvasvuoda ja dorvvolašvuoda gulahallamiid laktáseaddji áššiid hálldahusa dikšuma. HYTETU- gulahallan lea ođđa oassesuorgi gulahallankordináhtora bargogovas. Dát váldojuvvo vuhtii dássebálkáodastusa oasis. Bargogovva sajáiduvvá gielddahoavdda vuollái.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha evttohusa ja mearrida vuodđudit gulahallama koordináhtora doaimma, mii lea doaisttázii fámus.

Mearrádus

Evttohus dohkkehuvvui.

Gielddaráđđehus

§ 148

18.08.2025

**Nuppástusráđđádallamiid mearrádusa mielde vuodđuduvvo lihkadanjođiheaddji
/lihkadanbáikejođiheaddji doaibma**

Gr 18.08.2025 § 148
118/01.01.00.03/2025

Ohcejoga gieldda nuppástusráđđádallamiid oktavuodas guorahallui gieldda organisašuvdnaráhkadus ja árvvoštallojuvvui leat go dihto doaimmat dárbbaslaččat. Gieldalága mielde gieldda bargun lea ovddidit iežas ássiid buresveadjima ja iežas guovllu eallinfámu ja maid lágidit iežas ássiide bálvalusaid ekonomalaččat, sosiálalaččat ja birrasa ektui suvdilis vugiin. Lihkadanjođiheaddji /lihkadanbáikejođiheaddji doaimma piloteren lea čájehan oanehis áiggis doaimma dárbbaslašvuoda. Nuppástusráđđádallamiid boađusin šattai mearrádus ahte gildii vuodđuduvvo lihkadanjođiheaddji /lihkadanbáikejođiheaddji doaibma mii lea doaisttázii fámus.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha evttohusa ja mearrida vuodđudit lihkadanjođiheaddji /lihkadanbáikejođiheaddji doaimma, mii lea doaisttázii fámus.

Mearrádus Evttohus dohkkehuvvui.

Gielddaráđđehus

§ 149

18.08.2025

Nuppástusráđđádallamiid mearrádusa mielde virggit mat heaittihuvvojit

Gr 18.08.2025 § 149
117/01.01.00.01/2025

Ohcejoga gieldda nuppástusráđđádallamiid boađusin mearriduvvui ahte heaittihuvvojit čuovvovaš virggit girjerádjodoaimma jođiheaddji, eallinfápmohoavda ja giddodathoavda. Girjerádjodoaimma jođiheaddji oasil nuppástus bohtá fápmui 1.9.2025.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha evttohusa ja evttoha ain váldostivrii girjerádjodoaimma jođiheaddji, eallinfápmohoavdda ja giddodathoavdda virggiid heaittiheami. Girjerádjodoaimma jođiheaddji oasil nuppástus bohtá fápmui 1.9.2025, eallinfápmohoavdda ja giddodathoavdda oasil 1.1.2026.

Mearrádus Evttohus dohkkehuvvui.

Gielddaráđđehus

§ 150

18.08.2025

Nuppástusráđđádallamiid mearrádusa mielde vuodđuduvvo čuovvovaš virgi

Gr 18.08.2025 § 150

117/01.01.00.01/2025

Ohcejoga gieldda nuppástusráđđádallamiid boađusin lea mearriduvvon ahte vuodđuduvvo ovddidanjođiheaddji virgi. Ovddidanjođiheaddji vástusuorgin leat ovddidan- ja birasdoaibmasuorggi jođiheapmi, doaibmasuorggi hovdenbarggut ja ekonomiavástu. Ovddidanjođiheaddji doaibmá gieldda stivrenjoavkku lahttun ja lávdegotti áššemeannudeaddjin. Ovddidanjođiheaddji doaibmá hálldahusnjuolggadusa mielde diliin gielddahoavdda sadjásažžan. Ovddidanjođiheaddji oassálastá maiddá ovdogohcimii, guovloovttasbargui ja buriid fierpmádagaid ráhkadeapmái čanusjoavkkuiguin.

Ovddidanjođiheaddjis gáibiduvvo bargui heivvolaš bajit allaskuvladutkkus ja praktihkalaš hárjánupmi vástusuorggi doaibmaguvlui gullelaš bargguin. Barggu ceavzilis dikšun eaktuda geavatlaččat čájehuvvon jođihan- ja ovttasbargodáidduid. Ovddidanjođiheaddjis gáibiduvvo positiivvalaš doaladupmi ja hárjánupmi ovttasbarggus ealáhuseallima doaibmiiguin ja maid háló ovddidit ja gávdnat ođđa innovatiivvalaš čovdosiid gieldda ovdánahttimii. Sámegiella gehččojuvvo erenomáš ánsun.

Virggis čuvvojuvvo gieldasuorggi almmolaš virge- ja bargoeaktosoahpamuš. Virgái válljejuvvon galgá ovdal virggi vuostávdidima ovdanbuktit dohkálaš doaktárduođaštusa iežas dearvvasvuodadilis. Virggis čuvvojuvvo guđa mánotbaji geahččalanáigi.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha evttohusa ja evttoha váldostivrii ovddidanjođiheaddji virggi vuodđudeami 1.1.2026 rájes.

Mearrádus Evttohus dohkkehuvvui.

Boddu dii. 15.25-15.35. Bottu maŋŋá ságadoalli čađahii nammačuorvuma ja gávnnaš, ahte čoahkkimis leat mielde seamma olbmot go álgosaš nammačuorvumis.

Gielddaráđđehus

§ 151

18.08.2025

**Ohcejoga gieldda cealkámuš ovddeš polesstašuvnna suodjalanáššis
LAPELY/2916/2025**Gr 18.08.2025 § 151
134/00.04.00/2025

Lappi ealáhus-, johtolat- ja birasguovddáš (EJB-guovddáš) lea giddodaga 890-401-12-26 oamasteaddjis 25.6.2025 boahtán almmuhusa vuodul bidjan álgui Ohcejoga ovddeš polesstašuvnna guoski suodjalanášši huksenárbbi suodjalemis addojuvvon lága (498/2010, huksenárbeláhka) 11 § vuodul.

Visti lea suodjaluvvon stáhta oamastan visttiid suodjaleamis addojuvvon ásausa (480/1985) vuodul birasministeriija 8.6.1995 mearrádusain nummir 1/562/95. Giddodatoamasteaddjis ožžojuvvon dieđu mielde eaiggáda molsašuvvan lea dáhphuvvan sullii 15 jagi dassái.

Suodjalanášši guoská birasministeriija mearrádusain suodjaluvvon viidodaga ja čuovvovaš visttiid:

Virgedállu 1922 103358414C

Áiti 1922 103327698J

Stálla 1922

Sávdni 1922

EJB-guovddáš ii leat mearridan vára váldima gildosa

Ohcejoga gielddas lea bivdojuvvon huksenárbelága 7 § 1 momeantta mielde cealkámuš ášši birra.

Huksenárbevierrolága 7§ mielde gielddas man viidodagas visti lea, ja dain, geaid diliide dahje beroštumiide ášši sáhtta mearkkašahtti láhkai váikkuhit, lea vejolašvuohta buktit ovdan suodjaleami dárbei, ulbmiliidda ja vugiide laktáseaddji beliid.

Áššemeannudeaddji

Gielddahoavda Kontio Päivi

Mearrádusevttohus

Ohcejoga gielddas eai leat áššái gullelaš gáibádusat ja gielddaráđđehus evttoha, ahte áššis bargojuvvo giddodateaiggáda sávaldaga mielde.

Mearrádus

Lávra Länsman evttohii, ahte Ohcejoga giella evttoha iežas cealkámuššan, ahte suodjalanmearrádus ii burgojuvvo. Pirjo Konttinen ja Riikka Rasmussen guottiheigga Lávrá Länsmana evttohusa.

Dasgo čoahkkimis lei dahkkojuvvon gielddaráđđehusa mearrádusevttohusas spiehkaseaddji guottihuvvon evttohus, de ságadoalli gávnnašii, ahte čađahuvvo nammačuorvunjienasteapmi, mas JUO lea gielddaráđđehusa mearrádusevttohus ja II Lávra

Gielddaráđđehus

§ 151

18.08.2025

Länsmana guottihuvvon evttohus. Jienastanortnet dohkkehuvvui. Jienat addojedje oktiibuot 7 st main JUO jienat 2 st (Eemeli Hekkanen, Vesa Länsman) ja II jienat 5 st (Sari Tapiola, Riikka Rasmussen, Lávra Länsman, Pirjo Konttinen, Vuokko Tieva-Niittyvuopio). Jienasteami vuodul gielddaráđđehus gávnnašii iežas cealkámuššan Lappi EJB-guovddážii, ahte giddodaga suodjalanmearrádus ii burgojuvvo.

Merkejuvvui beavdegirjái, ahte Mateusz Moilanen vulggii čoahkkimis dii. 15.45 ášši gieđahallama áigge iige son oassálastán mearrádusdahkamii. Merkejuvvui beavdegirjái, ahte Pirjo Konttinen bođii čoahkkimii dii. 15.50 ášši gieđahallama áigge ovdal mearrádusdahkama.

Eallinfápmo- ja teknikkalaš	§ 84	26.06.2025
lávdegoddi		
Gielddaráđđehus	§ 152	18.08.2025

Tontte oastinfálaldat, Inga ja Niila Guttorm

ealteknlg 26.06.2025 § 84

Válmmaštalli

Vd. giddodathoavda Päivi Kontio

Áššehas lea váldán oktavuođa Ohcejoga gildii ja bivdán, ahte oažžu oastit Ohcejoga gieldda giddodagas 890-403-25-2 máttaravddas smávva eatnama (s.800 m2) juohkima várás giddodahkii 890-403-22-1. Dán áššehasa giddodagas 22-1 ii leat gávdnon sadii bovrageáivvui, ja bovrageáivvui heivvolaš sadii sáhtášii gávdnot Ohcejoga gieldda eatnamis ádjaga guoras.

Ohcejoga gieldda giddodat 890-403-25-2 lea M-1 -guovlu ja áššehasa giddodat 22-1, masa mearreviidodat lasihuvvošii, lea AO -guovlu.

Áššemeannudeaddji

vd. Giddodathoavda Kontio Päivi

Mearrádusevttohus

Lávdegoddi evttoha gielddaráđđehussii mearreviidodaga kártáčuovvosa mielde, sullii 800 m2 vuovdima Nilla ja Inga Guttormii dállohtonttiid (AO, AP) haddemearrideami vuodul 2,90 €/m2, dalle haddi livččii 2.320,00 €.

Mearrádus

Mearrádusevttohus dohkkehuvvui.

Gr 18.08.2025 § 152
7/10.00.02.00/2025

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida vuovdit tontte ohccái 2.320,00 euro gávpehattiin, ohcamuša mielde.

Mearrádus

Evttohus dohkkehuvvui.

Gielddaráđdehus

§ 153

18.08.2025

Jienastanguovlojuogu nuppástuhttin 1.1.2026 rájes

Gr 18.08.2025 § 153

127/00.02.00/2025

Válgalága 8 § mielde gieldda hábme ovtta válgabiire, jos ii leat dárbu juohkit dan mánnga válgabiirii. Jienastanguovlluid viidodagas dahje ássiidlogus eai leat válgalágas dárkilut mearrádusat. Jienastanguovlluid birra mearrida váldostivra. Váldostivrra mearrádusain nuppástuhtton válgaguovlojuohku lea fámus 1.1.2026 rájes doaimmahuvvon válggain ja álbmotjienasteamis, jos váldostivrra mearrádus lea dahkkon ja das lea almmuhuvvon 30.8.2025 rádjai Digi ja álbmotdiehtodoaimmahakkii (DVV). Jienastanguovlu mearrida jienasteaddji válgabeaivvi jienastanbáikki. Jienastanguovllus ii dan sadjái leat mearkkašupmi ovdajienasteapmái, daningo juohkehaš sáhtta jienastit ovddalgihtii buot almmolaš ovdajienastanbáikkiin.

Ohcejoga gieldda ássiid, jietnavuoigadahtton olbmuid ja válggain jienasteaddjiid mearit leat unnon manimus jagiid. Jienastanguovlluin sáhttet šaddat dilit, ahte dain addojuvvon jienat šaddet juohke dáhphusas ovttahttojuvvot. Juohke jienastanguovllus galgá válgabeaivve leat iežas válgalávdegoddi ja go álbmot boarásmuvvá válgalávdegottiide lea váttis oažžut doarvái olbmuid dahje namuhuvvon gáibideaddji bargui basti válgadoaibmaolbmuid. Olu smávva gielddain lea dušše okta jienastanguovlu. Jienastanguovlluid geahpedeapmi maid uhcida goluid. Stáhta buhte gielddaide stáhtalaš válggaid lágideamis dihto euromeari jietnavuoigadahtton gieldda olbmo guovdu ja dál buhtadus gokčá dušše oasi goluin.

Áššemeannudeaddji Gielddahoavda Kontio Päivi

Mearrádusevttohus Gielddaráđdehus evttoha váldostivrii, ahte dat mearrida jienastanguovlluid nuppástuhttimis nu, ahte 1.1.2026 rájes Ohcejogas lea okta jienastanguovlu 001 Ohcejohka.

Mearrádus Evttohus dohkkehuvvui.

Gielddaráđđehus

§ 154

18.08.2025

Gielddaráđđehusa linnjá buggeluosa bivdimii ja Norgga huksen buđđui Deanus

Gr 18.08.2025 § 154

137/00.04.00/2025

Áššemeannudeaddji Gielddahoavda Kontio Päivi

Mearrádusevttohus Gielddaráđđehus čađaha sáttaságastallama buggeluosa bivdimis ja Norgga stáhta Detnui huksen buođus. Sáttaságastallama vuodul gielddaráđđehus gárvvista bealiváldima.

Mearrádus Evttohus dohkkehuvvui.

Gielddaráđđehus čađahii sáttaságastallama ja ráhkkanahitii gielddahoavdda ráhkadit bealiváldima.

Gielddaráđdehus

§ 155

18.08.2025

Doaibmaorgánaid mearrádusat

Gr 18.08.2025 § 155

Lávdegottiid beavdegirjiit galget doaimmahuvvot gielddahovdii njealji beaivvi geažes beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhhtá dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit maŋimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullelaš áššiin. Beavdegirjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjiit leat oaidnin láhkai čoahkkinbáikkis: Čuvgehuslávdegoddi 12.6.2025 ja 14.8.2025, Eallinfápmo- ja teknikalaš lávdegoddi 26.6.2025 ja 12.8.2025.

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnaha, ahte GieldaL 51 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

Gielddaráđđehus

§ 156

18.08.2025

Áššit diehtun

Gr 18.08.2025 § 156

Mearrádusevttohus Gielddaráđđehus merke diehtun čuovvovaš áššebáhpáriid:

Lappi buresveadjinguovlu - Guovllustivrra čoahkkindieđáhus 16.6.2025

- Guovlostivrra čoahkkindieđáhus 9.6.2025

Lappi lihttu - Stivrra beavdegirji 9.6.2025

Meahciráđđehus - Luonddusuodjaleami mielde spiehkastatlohpi MH 2526/2025

Mearrádus Merkejuvvui diehtun.

Eallinfápmo- ja teknikalaš lávdegoddi	§ 95	12.08.2025
Gielddaráđđehus	§ 157	18.08.2025

Huksenbearráigeahču dávssat

ealteknlg 12.08.2025 § 95

Válmmaštalli

Vd. giddodathoavda Päivi Kontio

Eanageavahan- ja huksenláhka lea nuppástuvvan 1.1.2025 huksenláhkan. Huksenlága 79 § mielde lobi ohcci dahje doaibmabiju dahkki lea geatnegas dárkkistus- ja bearráigeahčubargguin ja eará eiseváldebargguin máksit gildii mávssu, man ákkat mearriduvvojit gieldda dohkkehan dávssas. Nuppástusa geažil huksenbearráigeahču fámus orru dávssa ii sáhte geavahit meroštallanággan iige dávssa sáhte heivehit ođđa láhkaaddima oktavuodas.

Ohcejoga gieldda teknikalaš doaibma lea válmmaštallan ođđa huksenbearráigeahču dávssaid Gieldalihtu mállevuđđui ja veardádallan evttohuvvon dávssa Davvi Lappi eará gielddaid dávssaide.

Áššemeannudeaddji

vd. Giddodathoavda Kontio Päivi

Mearrádusevttohus

Eallinfápmo- ja teknikalaš lávdegoddi dohkkeha siidomateriála, mas leat ođđa dávssat ja evttoha daid ain gielddaráđđehussii ja váldostivrii nannema várás. Dávssat bohtet fápmui máhccevaččat 1.9.2025 rájes.

Mearrádus

Mearrádusevttohus dohkkehuvvui.

Gr 18.08.2025 § 157
128/02.05.00.00/2025

Huksenbearráigeahču dávssat siidomateriálan.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha ja evttoha ain váldostivrii dohkkehanláhka siidomateriála, huksenbearráigeahču dávssaid. Dávssat bohtet fápmui máhccevaččat 1.9.2025 rájes.

Mearrádus

Evttohus dohkkehuvvui.

Gielddaid árvvoštallanvuloš stáhtadoarjaga bajádusa ohcan jagis 2025

Gr 18.08.2025 § 158
138/02.05.01.00/2025

Ruhtaministeriija lea 11.8.2025 beivejuvvon reivviin almmuhan gildii vejolašvuodas ohcat árvvoštallanvuloš stáhtaossodaga bajádusa jagis 2025.

Gieldda stáhtaossodaga sáhtta gieldda vuodđobálvalusaid stáhtaossodagas addojuvvon lága 27 § mielde bajidit ohcamušas árvvoštallama vuodul stáhta bušeahta rájáid siste, jos gielda vuosttažettiin spiehkaseaddji dahje gaskaboddosaš gieldaekonomalaš váttisvuodaid dihte lea lassi ekonomalaš doarjaga dárbbus. Dan árvvoštallamis váldojuvvojit vuhtii maidái báikkálaš erenomáš dilit.

Eaktun stáhtabušeahta juolludeapmái lea, ahte gielda lea dohkkehan plána doaimmaide, maid galgá ollašuhttit ekonomiiija dássádahttindoaibmabidjun. Doaibmabijuid áigetávvaliiguin ja euromeriid mielde váikkuhusaiguin galgá ovdanbuktit ohcamušas.

Gieldda vuodđobálvalusaid stáhtaossodagas addojuvvon lága 27 § 2 momeantta mielde stáhtadoarjajaeiseváldi sáhtta bidjat bajádusa juolludeapmái ja geavaheapmái maid eará gieldda ekonomiijai laktáseaddji eavttuid. Stáhtaossodaga bajideami sáhtta čuovvovaš jagiin guoddit juollutkeahtta dahje dat sáhtta juolluduvvot vuoliduvvon doarjjan, jos evttohuvvon doaibmabijut dahje ásahuvvon eavttut eai leat čuvvojuvvon. Namuhuvvon láchkačuoggá vuodul ministeriija ásaha stáhtaossodaga bajádusa geavaheapmái čuovvovaš eavttuid dohkkehuvvon ekonomiiija dássádahttinplána lassin:

1. Bajádus ii galgga mielddisbuktit vástideaddji stuorra goluid lassáneami gieldda iežas mearridanválddi vuolde. Dát gokčá sihke doaibmaekonomiiija- ja investerengoluid. Bajádus lea dárkkuhuvvon doarjut gieldda iežas ekonomiiija buoridandoaimmaid, maidda gielda berre ráhkkanit beroškeahtta doarjjaruđain.
2. Bajádus lea dárkkuhuvvon ráhkkanahhttit buoridandárbbuide mat leat čuožžilan gieldda ekonomiiijas ovddit áiggiid diliid dihte. Dákkár dárbbut leat earet eará ráhkkanepmi loana dikšungoluide, vuollebáhcaigiid gokčamii ja go jo leat čađahuvvon rievdadusat bohtovuodas.
3. Gielda ollašuhtta gieldalága 118 § mielásaš árvvoštallanjoavkku evttohusa mielde doaibmabijuid bálvalusaid eavttuid dorvvasteapmái. Ovdalis namuhuvvon eaktu guoská daid gielddaid,

Gielddaráđđehus

§ 158

18.08.2025

maidda lea ásahuvvon namuhuvvon lága 118 § mielde árvvoštallanjoavku.

Árvvoštallanvuloš stáhtaoasi bajideapmái lea vejolaš addit eanemustá 10 000 000 euro. Gieldda vuodđobálvalusaid stáhtaossodagas addojuvvon lága 4 5 § 2 momeantta mielde bajádusa galgá ohcat ruhtaministeriija mearridan áigemeari rádjai.

Ohcamušaid galgá doaimmahit 23.9.2025 dii. 16.15 rádjai.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus mearrida, ahte Ohcejoga gielda ohcá árvvoštallanvuloš stáhtaossodaga bajádusa jahkái 2025. Gielddaráđđehus fápmuda gielddahoavdda dahkat ohcamuša ja dárkilis ákkat gárvvistuvvojit eiseváldebargun.

Mearrádus

Evttohus dohkkehuvvui.

Gielddaráđđehus
Gielddaráđđehus

§ 142
§ 159

21.10.2024
18.08.2025

Teknikkalaš doaimma jođiheapmi

Gr 21.10.2024 § 142

Gielddaráđđehus 13.09.2024 § 129 mearridii, ahte Tapio Oikarainen doaibmá oppa teknikkalaš doaibmasuorggi hoavdan giddodathoavdda virgenamahusain, go Markku Porsanger báhcá jahkelupmui 24.9.2024 ja ealáhahkii 31.1.2025 rájes.

Vd. gielddainšenevra Tapio Oikarainen lea goittotge njálmmálaččat almmuhan 2.10.2024, ahte son spiehkasta gielddaráđđehusa mearrádusas iige háliit váldit badjelasas oppa teknikkalaš doaibmasuorggi jođihanovddasvástádusa. Ášši hohpolašvuoda dihtii gielddahoavda ja gielddaráđđehusa ságadoalli leaba šiehttan, ahte teknikkalaš doaibmasuorggi hálddahuslaš jođihanovddasvástádus sirdojuvvo gielddahovdii 1.10.2024 rájes. Gielddahoavda doaibmá maiddá teknikkalaš doaimma áššiid áššemeannudeaddjin eallinfápmo- ja teknikkalaš lávdegottis. Gielddahoavda dikšu barggu iežas bargguid lassin ja dán lassebarggus sutnje máksojuvvo 500 euro mánnosaš buhtadus.

Dát ordnedallan ii leat oanehis gaskaboddosaš hálddahushoavddaid sadjásašvuolta, muhto lea baicce fámus gielddainšenevra (Mirja Savolainen) virgesadjásašvuoda áigge 31.7.2025 rádjai.

Muđui gielddainšenevrra virgesadjásašvuoda dikšu Tapio Oikaraisa barggut eai rievdda.

Oppa teknikkalaš doaimma bargguid ordnedallan ođđasis lea dál válmmaštallomis ja dát ovdána dan láhkai, ahte ođđa organisašuvdna ja jođihanmálla leat gárvásat mañimustá čakčat 2025.

Gielddaráđđehusa ságadoalli mearrádusevttohus

Gielddaráđđehus dohkkeha teknikkalaš doaimma jođiheami ordnedallamiid válmmaštallama mielde.

Mearrádus

.
Evttohus dohkkehuvvui.

Gr 18.08.2025 § 159
63/00.01.01.02/2024

Gielddaráđđehusa ságadoalli mearrádusevttohus

Gielddaráđđehus

§ 142

21.10.2024

Gielddaráđđehus

§ 159

18.08.2025

Gielddaráđđehus mearrida joatkit teknihkalaš doaimma jođiheapmi ordnedallamiid ovdalis namuhuvvon vuogi láhkai 31.10.2025 rádjai.

Mearrádus

Gielddahoavda almmuhii iežas easttalažžan giedahallat ášši ja guđii čoahkkinlanja.

Gielddaráđđehusa ságadoalli evttohus dohkkehuvvui.

Nuppástusohcanráva guoská paragrafaid: § 123, § 124, § 125, § 126, § 127, § 129, § 135, § 140, § 144, § 145, § 146, § 149, § 150, § 151, § 153, § 154, § 155, § 156, § 157

NUPPÁSTUSOHCANGIELDU

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gielдалáга 136 § mielde dušše válmmaštallama dahje ollašuhhtima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuodá geavaheami

Nuppástusohcanráva guoská paragrafaid: § 128, § 130, § 131, § 132, § 133, § 134, § 136, § 137, § 138, § 139, § 141, § 142, § 143, § 147, § 148, § 152, § 158, § 159

VUIGENGÁIBÁDUSRÁVVAGAT

Dán mearrádussii duhtameahttun olmmoš sáhtta dahkat čálalaš vuigengáibádusa. Mearrádussii ii oaččo ohcat nuppástusa duopmostullui váidimiin.

Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdii mearrádus njuolga váikkuha (*áššáiosolaš*) ja
- gieldda lahttu.

Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gieldda girjenkantuvrii mearreáiggi maŋimuš beaivve ovdal girjenkantuvrra giddaneami.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Gehččojuvvo, ahte *gieldda lahttu* lea ožžon mearrádusas dieđu čieža beaivve geažes das, go beavdegirji lea leamaš oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos vuigengáibádusáiggi maŋimuš beaivi lea bassebeaivi, iehčanasvuođabeaivi, válborbeaivi, juovla- dahje mihcamárruohtta dahje árgalávvardat, de vuigengáibádusa oažžu dahkat vuosttas árgabeaivve dan maŋŋá.

Vuigengáibáduseiseváldi

Eiseváldi, gosa vuigengáibádus dahkkojuvvo, lea Ohcejoga gielddaráđdehus

Girjenkantuvrra oktavuohtadieđut:

Boastačujuhus:	PL 41, 99981 OHCEJOHKA
Uksačujuhus:	Luossa 1 a, 99980 OHCEJOHKA
E-boasta:	kunnanvirasto@utsjoki.fi
Telefonnummir:	+358 40 188 6111

Girjenkantuvra lea rabas vuossárggas bearjadahkii dii. 9.00 – 15.00.

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maidái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádusa, masa ohcá vuigema
- man láhkai mearrádusa galgá vuiget
- mainna ákkain gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusa sáhtá addit diehtun elektrovnnalaš diehtun, de bivdit almmuhit oktavuohtadiehtun maidái e-boastačujuhusa.

Beavdegirji

Mearrádusa guoskevaš beavdegirjji váldosiid ja čuvvosiid sáhtá bivdit Ohcejoga gieldda girjenkantuvrras.

Beavdegirji lea 25.8.2025 dolvojuvvon oaidninláhkai almmolaš diehtofierbmái čujuhussii www.utsjoki.fi.